

Laapi pyereestvaijeemkuávlu tärhistemlävdkode árvuštállámmuštálus ivveest 2022, oohťánkiásu

Laapi pyereestvaijeemkuávlu toimâm valmâštálmist ive 2022 luhostuvvii koskâvuodâlavt pyereest

Laapi pyereestvaijeemkuávlu (Lapha) tärhistemlävdkodde lii tuhhiittâm 11.5.2023 § 46 árvuštállámmuštálus ivveest 2022. Tärhistemlävdkode váldupargon lii laavâ miel árvuštállâđ, láá-uv kuávluváldustiivrâ asátem toimâm já ekonomia mittomereh olášum, já lii-uv toimâm lamaš puáđusláš já ulmemiäldásâš. Ihe 2022 lâi tärhistemlävdkode pargo olášuttem tááhust eromâš, ko Laapi pyereestvaijeemkuávlu toimâm aalgij iäskán ive 2023 aalgâst. Árvuštállámmuštálus čuaccá-uv valmâštállámmudo toimâm árvuštálmân.

– *Tärhistemlävdkode válduhuámásume lii tot, ete Lapha toimâm ive 2022 lâi uáli virgeolmooš- já stivrâvuolgâlâš. Lävdkodde avzut, ete taat toimâm ornimvyehi ij pásáččij pisovâžžân. Meridemväälđi kolgáččij áppáđiđ piäđguidittiđ já suogárdállâđ tom uđđâsist miäruštállâm, iätá tärhistemlävdkode saavâjođetteijee Vesa Puuronen.*

Mittomeerijd juksii iänááš oosij

Torvolâš sirdum já palvâluspyevtittem jotkum koskâlduuhánnáa ihemolsomist 2022–2023 luhostuin mittomere miel. Laapi pyereestvaijeemkuávlu valmâštállâm ovdánij ive 2022 ääigi huáppuäigitaavlust já valmâštállámresursij väänist huolâhánnáa pyere vuoiñâst.

Organisistem kalga čielgâsmittiđ

Pyereestvaijeemkuávlu ääših láá kiedâvuššum válduášálávt kuávlustiivrâst. Organisaatio oovdedmist kolgáččij smiettâđ toimâorganisaatio já delegistmijd adai toimâväälđi sirdemijd. Pargeeorganisaatio lii linjáorganisaatio adai jyehi toimâsyergist lii ohtâ jođetteijee, mutâ sosiaal- já tiervâsvuotâpalvâlusâi nelji palvâlemkuávlu rooli já jođettem páácá epičielgâsin. Hástusin lii meiddei sosiaal- já tiervâsvuotâpalvâlusâi oohťánheiviittem.

Toimâorgan- já pargeeorganisaatio, meiddei palvâlemkuávlusyergimaali, kalga árvuštállâđ uđđâsist. Aášijd kalga kiedâvuššâđ já meridiđ ulmemiäldásii tääsist.

Hástusin lii uážžud ekonomia täsitiädun

Ive 2022 uásild ruttâdem lâi tuárvi já tilipaje puáđus pajjeelpásuláš ovdil reekkgituálulopâttemsirdemijd. Lii agâstállum, ete pyereestvaijeemkuávlun rahtii ubâlâšbudjet. Valmâštállámmudo ekonomâlijd já toimâlijd mittomeerijd iä kiedâvuššâm iäge meridâm kuávluváldustiivrâst. Váldustiivrâ miärádâsah liččii kuittâg puáhtâm algâtemmudo mittomeerijd tarbâšlii tuvduu já árvuštállámmuvađu.

Ihán 2023 lii rahtum vuálápásuláš budjet (-43,2 miljovn eurod), mon kalga luávdiđ ovdil ive 2025. Ekonomia täsitiäduuttem váátá tuodánalásávt merhášittee ráhtuslijd uđásmitmijđ.

Pargoviehân já pargodeleijeeppegimân kalga pieijâđ naavcâid

Laapi pyereestvaijeemkuávlun sirdojii pargeeh 27 organisaatiost: 21 kieldâ sosiaal- já tiervâsvuotâpalvâlusâin, Laapi (LSHP) já Länsi-Pohja (LPSHP) pyecceetipšopirráduvâin, Kolpene palvâlemkuávdáá kieldâovtâstuumeest (ei. Tave-Suomâ sosiaalsyergi mättimkuávdáš), Oulunkaari kieldâovtâstuumeest Simo palvâlusâi uásild, Pelkosenniemi-Savukoski aalmugtiervâsvuotâpargo kieldâovtâstuumeest já Laapi káájumlájádâsâst.

Pargeeh sirdojii puáris pargen válduášálávt oovdiš pargoidiskuun finnodâhluovâtemprinsiiij miäldásávt. Laapi pyereestvaijeemkuávlun, mast pargeh 1.1.2023 rääjist 7 641 soti- já káájumsyergi áámmátulmuu, lii puátteevuodâst lappilij pyereestvaijeem vuáđu. Meiddei priivaat tuáimeid olgoštittum palvâlusah tuáimih ovdii náálá.

Laapi pyereestvaijeemkuávlust sárnuh sâmikielâ lasseen kulmâ sierâ sâmikielâ: tavesâmikielâ, anarâskielâ já nuorttâlâskielâ. Laapi pyereestvaijeemkuávlun eromâš pargon lii sâmikielâlij palvâlusâi ovdedem. Sâmikielâlij palvâlusâi finnim já faallâm sorjoh kuittâg sâmikielâlii pargovievâ finniimist. Tondiet tai viirgij já tooimâi uásild, main sâmikielâ tááidust lii merhâšume, uuccâmalmottâsâst kolgâččij leđe mainâšume, ete sâmikielâ tááidun puáhtá keččâđ eromâš ánsun.

Nubástustile valmâštállâm lâi lussâd, já nubástus jođettem háástus lâi styeres ive 2022. Erómâšávt váttee nubástustiilijn ličij tehálâš pieijâđ naavcâid pargopyereestvaijeem paijeentuálee ráhtusáid, main jođettem já ovdâolmoošpargo láá kuávdášlii roolist.

Haahâmmättim visâsmittem lii tehálâš

Laapi pyereestvaijeemkuávlun sirdojeijee jieškote-uvlágán sopâmušah láá ohtsis 4 878, enâmus ICT- já uástupalvâlussopâmušah. Merhášittee huámmâšume lâi, ete kieldah lijjii uáassin kuáđđám ive 2022 loopâst nohhee sopâmušâidis kištodithánnáá já huápulijđ, oovdân puáttee kištoditmeh láá porgum pyecceetipšopirráduvâi resursijguin já uástimáin kištodittemkonsultpalvâlus uástimáin, mii lii lamaš 8-10 kerdid tivrásub ko jieijâđ pargon porguumin.

Haahâmtoimâ lii kavnâttâm, ete haahâmij valmâštállâm ličij kolgâm algâttid tooleeb muddoost já haahâmij valmâštállâm lâi vuálâresursistum.

Mätkipalvâlemkuávdáá toimâm kalga vijđedid

Teknisiij já logistiikpalvâlusah láá kuávdášlâš ovdâsvástádâssyergi, mii haaldâš stuorrâ mere (492) kiddoduvâid já toimâviistijđ sehe huolât ei. fievidempalvâlusâin.

Fievridentpalvâlusâi kištodittem lii pištám kuávlustiivrâst paijeel kuttâ mánuppaje, veikâ sopâmušah láá nuuhâm maanġâ kieldâst jo ive 2022 loopâst. Taat puáhtá merhâšid haddepaajeedmijd já fievridentpalvâlusâi finnim ájánem.

Tááláá tiileest mätkipalvâlemkuávdáš (MPK) pyevtit palvâlusâid tuše Ruávinjaargâ kuávlust, mutâ taam sirdempalvâlus puávtáččij väldid anon oles Laapi pyereestvaijeemkuávlust. Tärhistemlâvdikodde ana-uv tehálâžžân, ete mätkipalvâlemkuávdáá toimâm uláttuvvoo oles Laapi pyereestvaijeemkuávlun.

Árvuštállâmmuštâlus kuávluvâldustiivrâst kesimáánust

Tärhistemlâvdikodde kuáđá árvuštállâmmuštâlus ivveest 2022 kuávluvâldustiivrâ kiedâvušmân 12.6.2023 čuákkimist já iávtut, ete kuávluvâldustiivrâ táttu kuávlustiivrâ čokkid vástádâsâid já adeliđ váldustiivrân ciálkkámuš majemustáá čohčâmáánu loopâst toimâin, maid árvuštállâmmuštâlus addel aagâ, já moh láá algâttum tärhistemlâvdikode uáivilij vuáđuld.

– *Tärhistemlâvdikodde tuáivu, ete jo taan ive 2022 árvuštállâmmuštâlus huámášumeh já avžuuttâsah ávhástállojeh Lapha puáttee toimâm oovdedmist ive 2023 ääigi, tärhistemlâvdikode saavâjođetteijee Vesa Puuronen iätá.*

Laapi pyereestvaijeemkuávlun tärhistemlâvdikode árvuštállâmmuštâlus ivveest 2022 almostitto kesimáánust nettisiiđoin čujottâsâst [Lapha.fi](https://lapha.fi) → Tiäđuh mist → Miärádâstoohâm → Tärhistemlâvdikodde

Lasetiäđuh:

- Laapi pyereestvaijeemkuávlun tärhistemlâvdikode saavâjođetteijee Vesa Puuronen, vesa.puuronen@lapha.fi, p. 050 320 3434
- Laapi pyereestvaijeemkuávlun tärhistemhovidâ Riitta Erola, riitta.erola@lapha.fi, p. 040 537 8271